

Aajanika Makani aaKabbuku Kamuswaangano waBuumi Amulimu Wesu

NOVEMBER 2-8

LUBONO LUZWA MUJWI LYALEZA | KULOGNA 39-40

“Mozesi Wakatobeleya Malayilile”

w11 9/15 27 ¶13

Jehova Ulikwizi Na?

¹³ Mozesi wakalisiyene aKkora nkaambo wakali “mubombe kapati kwiinda bantu boonse ibakali anyika.” (My. 12:3) Wakatondeezya kuba muntu mubombemoyo alubo uulibombya kwiinda mu-kuzumanana kutobela malayilile aaJehova. (Kul. 7:6; 40:16) Taakwe chitondeezya kuti Mozesi wakali kukazya nzila Jehova njaakali kuchitaayo zintu naakuti kunyaema chiindi Jehova naakali ku-mubuya zyakuchita. Muchikozyano, Jehova wa-kamupa malayilile atala akuyaka tente lyakukombela mane kusikila kutuntu tuniini twakeelede kuchitwa, tuli mbuli musyobo wantambo anamba yazyaaanzikilo zyakeelede kubelesegwa kuti apange moombe wachisitilizyo. (Kul. 26:1-6) Kuti mulangizi mumbunga yaLeza wamupa malayilile aatamvvisisiki, mulakonzya kukataazikana zimwi ziindi. Nikuba booboo, Jehova mulangizi uumaninde, ulabapa milimu babelesi bakwe alubo ulaba-syoma. Chiindi napa malayilile miingi, ulaatwaa-mbo tubotu tupa kuti achite oobo. Pesi amubone kuti Mozesi taakwe naakanyemena Jehova akaa-mbo kakumupa malayilile miingi alubo taakwe naakayeeya kuti Jehova taakali kumulemeka naakuti kumwiima Iwaanguluko Iwakuchita zintu. Mu-chiindi chaboobo, Mozesi wakabikkila maanu ku-bona kuti babelesi “bakacita mbubonya oobo.” (Kul. 39:32) Eezi zitondeezya kuti wakali kulibombya! Mozesi wakalizi kuti ooyu wakali mulimu waJehova akuti wakali kubelesegwa biyo mumu-limu ooyo.

w05 7/15 27 ¶13

Ulasyomeka Na Muzintu Zyonse?

³ Lugwalo Iwa Bahebrayo 3:5 Iwaamba kuti:

“Musa wakali kusyomeka kali mugwasyi.” Niinzi zyakapa kuti Mozesi abe muntu uusyomeka? Chii-ndi naakapegwa malayilile aambulyakeelede ku-yakwa tente lyakukombela aambuzyakeelede ku-bambwa zintu, Bbayibbele lyaamba kuti: “Musa wakacita zyoonse Jehova nzyaakamulailila. Wa-kacita mbubonya oobo.” (Kulonga 40:16) Mbutuli bakombi bajehova, andiswe tweedele kutondee-zya kuti tulasyomeka kwinda mukuswiilila Jeho-va. Eezi zyaamba kuti tweedele kuzumanana ku-syomeka kuli Jehova nikuba katulikusunkwa naa-kuuti nituli mubuyumu-yumu. Nikuba booboo, kuzunda masunko mapati teenkoko kutondeezya kuti tulasyomeka. Jesu wakati: “Imuntu uusyomeka mutuntu tusyoonto ulasyomeka amuzintu zipati, alimwi imuntu uutaluleme mutuntu tusyoonto ta-luleme amuzintu zipati.” (Luka 16:10) Tweedele kusyomeka nikuba muzintu zibonekaanga nziniini.

Kuyanduula Lubono muJwi Iyaleza

it-2 884 ¶3

Chikumba

Mbubakazijana malsrayeli. Nikuba kuti zikumba zyabanyama kujayilinkene kuti zyakali kujanika kumasena aakuArctic akuAntarctic pesi zimwi zi-kumba zyakali kujanika kumasena aapya. Mazu-baano banyama bali aazikumba zyakali kubele-segwa chiindi bajanika kumasena aali aafwiifwi aLwizi IwaMediterranean akulizimwi ndawu ku-janika maanzi aakasaala. Kwaminyaka myiingi yayinda, bantu bakabajaya loko banyama aaba alubo chiindi nikwakali kulembwa Bbayibbele, kula-konzeka kuti banyama bakali aazikumba zyakali kubelesegwaaabantu bakali kujanika kuMediterranean aakuLwizi Lusalala. Mumunyaka wa1832, bbuku lipandulula makani aamuBbayibbele lyaka-lembwa aaCalmet lyakaamba kuti: “Zikumba zya-banyama zilajanika mutusuwa tuli muLwizi Lusa-lala aafwiifwi akuchilundu chaSinai.”—Alubo la-nja bbuku litii, *The Tabernacle's Typical Teaching*, lyakalembwa aaA. J. Pollock, London, p. 47.

w15 7/15 21 ¶1

Kuli Muntu Uulandaba Na Anzituchita?

Chiindi tente lyakukombela nilyakamana, kkumbi “lyakatalika kuvwumba tente lyakuswaangani-na alimwi bulemu bwa Jehova bwakazuza tente lyakukombela.” (Kul. 40:34) Eezi zyakatondee-zya kuti zyakachitika zyakatambulika kuli Jehova! Ubonaanga Bbezaleli aOholiyabbu bakamvwa bi-yeni aachiindi eecho? Nikuba kuti mazina aabo taakalembwa aazintu nzibakapanga, kweelede kuti bakakkutisikana akaambo kakuziba kuti Leza wakablongezya mumulimu ngubakachita. (Tus. 10:22) Muminyaka yakatobela, nisimpe kuti bakali kubotelwa mumyoyo nibakabona kuti zintu nzibakapanga zyakali kubelesegwa mumulimu wa-Jehova. Baakubusigwa munyika mpya, Bbezaleli aOholiyabbu bayoobotelwa loko baakuziba kuti tente lyakukombela lyakabelesegwa mubukombi bwakasimpe kwaminyaka iisika ku500!

NOVEMBER 9-15

LUBONO LUZWA MUJWI LYALEZA | LEVITI-KO 1-3

“Makanze Aazipayizyo”

it-2 525

Zipayizyo

Zipayizyo zyuumpwa. Zipayizyo zyuumpwa zyakali kupegwa kuli Leza alubo teekwakali kuzumizigwa pe kuti muntu abweze imwi nyama. (Kozyanisa a Bab 11:30, 31, 39, 40.) Zipayizyo eezi zyakali kupegwa kuli Jehova kuchitila kuti bantu batambulike kulinguwe akuti balekelelwe zibi. Jesu Kristu wakalipeda mbuli ‘chipayizyo chuumpwa’ kuli Jehova kwiinda mukulipeda munzila iimani-nide.

it-2 528 ¶4

Zipayizyo

Zipayizyo zyamayila. Zipayizyo zyamayila zyakali kupegwa aamwi azipayizyo zyalumvwanano, zipayizyo zyuumpwa, zipayizyo zyazibi kuswaani-zya azipayizyo zyamichelo mitaanzi alubo chimwi

chiindi zipayizyo zyamayila zyakali kupegwa aazi-likke. (Ku 29:40-42; Le 23:10-13, 15-18; My 15:8, 9, 22-24; 28:9, 10, 20, 26-28; chaand 29) Zipayizyo eezi zyakali kutondeezya kuti balamulumba Leza kuti wabalongezya akuti bali aaluumno. Malsrayeli nibakali kupa zipayizyo eezi bakali kuzitila mafuta atununkilizyo. Zipayizyo zyamayila zyakali muchiimo chafulawa mbotu, mayila aayokedwe alubo aakandidwe kabotu aswaanizi-dwe aamafuta. Zimwi zipayizyo zyamayila zyakali kubikkwa aachipayililo chazipayizyo zyuumpwa, mpawo zimwi zyakali kuligwa aabapayizi alubo chiindi nikwakali kupegwa zipayizyo zyalumvwanano sikupa chipayizyo eecho wakali kulya angu-we. (Le 6:14-23; 7:11-13; My 18:8-11) Zipayizyo zyamayila zyakali kutolwa kuchipayililo teezya-keeleda kubikkwa busweezyo naakuti buchi (buchi bulikwaambwa aawa mbwamusinza wankuyu naakuti musinza wamichelo) kuchitila kuti zitafufumuki.—Le 2:1-16.

it-2 526 ¶1

Zipayizyo

Zipayizyo zyalumvwanano (naakuti zipayizyo zyaluumuno). Zipayizyo zyalumvwanano zyakali kupegwa kuchitila kuti bantu babe aaluumno ajehova. Sikupa chipayizyo eecho kuswaani-zya ampuli yakwe bakali kulida chipayizyo eecho (mulubuwa lwatente lyakukombela; kweendelana azyakali kuchitwa chiindi, kwakali kuyakwa zivwuuka mukati kakketeni lyakazyungulukide lu-buwa; alubo mutempele kwakali maanda aakulida). Mupayizi wakali kuumpa chipayizyo eecho wakali kujana chimwi chipanzi alubo bamwi ba-payizi bakali kubeleka mubuzuba oobo bakali kujana chimwi chipanzi. Jehova wakali kubotelwa naakali kubona busi bwamafuta aakali kuumpwa. Ganzi liyiminina buumi, lyakali kupegwa kuli Leza. Munzila eeyi, bapayizi, basikupa chipayizyo ku-swaanizya aaJehova kwakali mbuli kuti bakali kulyaamwi chiindi nikwakali kupegwa chipayizyo eecho. Eezi zyakali kutondeezya kuti bantu bakali aaluumno anguwe. Muntu wakali kulya chipayizyo eechi kasofweede (kufumbwa kusofwaala kwakalembedwe muMulawu) naakuti wakali ku-

lya nyama eeyo (kayili yabola) kachili chiinda chii-ndi chakuti ilyigwe wakali kujayigwa. Kulya chipa-yizyo chalumwanano muntu kasofweede naaku-ti kulya chintu chayanda kubola kwakali kuto-ndeezya kuti muntu ooyo taakali kuzilemeka pe zintu zisalala.—Le 7:16-21; 19:5-8.

Kuyanduula Lubono muJwi lyaLeza

w04 5/15 22 ¶1

Makani Aajanika muBbuku lyaLevitiko

**2:13—Nkamboonzi munyo nwaakeelede kulu-
ngwa ‘muzipayizyo zyoonse’?** Eezi teezyakali ku-chitilwa kuti zipayizyo zinone. Munyo ubelesegwa kuti chintu chitafwambaani kubola. Kulakonzeka kuti zipayizyo zyakali kulungwa munyo nkaambo munyo wiiminina kutapambanika naakuti kuta-bola.

it-1 813

Mafuta

Kaambo kakapa kuti kupegwe mulawu. Mafuta chakali chipanzi chakali kuyandikana loko aa-munyama. Kupayizya mafuta aamunyama kwakali kutondeezya kuti muntu wakali kupayizya wa-kalizi kuti mafuta ngaaJehova. Alubo zyakali ku-tondeezya kuti sikupa chipayizyo eecho wakali kumulumba Jehova akaambo kazintu nzyaakala-
zyo alubo kwakali kutondeezya kuti bantu aabo bakali aachiyanidisyo chakupa Jehova zintu zibotu. Mafuta akali kutondeezya mbubakalipedede-de kuli Jehova malsrayeli, chiindi mafuta naakali kuumpwa, busi bwakali kusuka bwakali mbuli ‘chakulya’ alubo bwakali ‘bweema bununkilila’ ku-linguwe. (Le 3:11, 16) Nkinkaako, malsrayeli tee-bakali kuzumizigwa pe kuti balye mafuta nkaambo akali kupegwa kuli Jehova. Muntu wakali kulya mafuta wakali kujayigwa.

w04 5/15 22 ¶2

Makani Aajanika muBbuku lyaLevitiko

3:17. Mbukunga mafuta chakali chipanzi chiyan-dikana loko kuli Jehova, malsrayeli nibakali ku-kasigwa kuti bataalyi kwakali kubayeezya kuti zi-panzi ziyandikana nziza Jehova. (Matalikilo 45:

18) Eezi zituyiisa kuti tweeede kupa Jehova zi-ntu zibotu loko.—Tusimpi 3:9, 10; Bakolose 3: 23, 24.

NOVEMBER 16-22

LUBONO LUZWA MUJWI LYALEZA | LEVITI-KO 4-5

“Pa Jehova Zintu Zibotu”

it-2 527 ¶9

Zipayizyo

Zipayizyo zyazibi. Zipayizyo zyazibi zyakali ku-pe-gwa chiindi muntu naakali kubisa. Zipayizyo zya-zibi zyakalisiyene azimwi zipayizyo nkaambo zipa-yizyo zyazibi zyakali kutondeezya kuti muntu wa-bisya wakeelede kubambilula chibi nchaakachi-ta. Zyakali kupegwa chiindi muntu naakali ku-tyola mulawu waJehova naakuti mulawu wachisi. Chipayizyo chazibi chakali kupegwa kutondeezya kuti muntu ooyo wazumina kuti wabisya naakuti watyola mulawu wachizuminano alubo wakali ku-gwasya kuti sikubisa aangunuke kuchibi nchaachita.—Kozyanisya a Is 53:10.

w09 6/1 26 ¶3

**Ulabikkila Maanu Alubo Ulizizi Nzitutakonzyi
Kuchita**

Mulawu wakali kuti: “Ikuti katacikonzyi kuleta mbelele, nkokuti weeleda kuletela Jehova nziba zyobilo naa bana bankwilimba bobilo.” (Vesi 7) Majwi aakuti “ikuti katacikonzyi” alakonzya kusandlulwa kuti “ikuti kuboko kwakwe kakutasikili.” Mulsrayeli wakali kufwaba loko zyakuti taakali ku-konzya kujana mbelele, Leza wakali kuchitambu-la chipo nchaakali kukonzya kumupa chaamba nziba zibili naakuti nkwilimba zibili.

w09 6/1 26 ¶3

**Ulabikkila Maanu Alubo Ulizizi Nzitutakonzyi
Kuchita**

Kutegwani kumuntu wakatali kukonzya kupa nikuba nziba zibili? Mulawu wakali kuti: “Nkokuti wee-leda kuletela cipaanzi cakkumi caefa [nkomesi zili 8 naakuti zili 9] cafulaulu mubotu kacili cituuzyo

cazibi kucibi ncaakacita.” (Vesi 11) Kumuntu wakali kufwaba loko, Jehova wakali kuzitambula zi-payizyo zyazibi nikuba kuti taakwe ganzi lyatilwa. Muchiindi chamalsrayeli, kufwaba teekwakali kuchizya bantu kuti balekelelwé zibi naakuti babe aaluumuno aLeza.

Kuyanduula Lubono muJwi IyaLeza

w16.02 30 ¶14

Yiya Kubakombi bajehova Bakali Kusyomeka

¹⁴ Andinywe mulakonzya kusaanguna kusyomeka kuli Jehova akusyomeka kuli bamwi kwinda mukuba aaluzyalo. Muchikozzano, kulakonzeka kuti kamuli aabumboni bwakuti umwi mukombima wakachita chibi chipati. Mulakonzya kusunkwa kuti mutondeezye kuti mulasyomeka kumuntu ooyo, kapati kuti kali mweenzinyokwe naakuti wamumpuli. Pesi mulizi kuti kusisa chibi chipati kutondeezya kutasyomeka kuli Leza. Alubo mulizi kuti kusyomeka kuli Jehova kuyandikana loko kwiinda zyoonse. Mweelede kuswiilila Jehova mbuli Natani, pesi kumwi kamutondeezya kuti muli aaluzyalo kumukombima. Mweelede kumubuya kuti akumbile lugwasyo kubaalu akuti afwambaane kuchita oobo. Kuti taababuza baalu, zyamma kuti ndinywe mweelede kubabuza. Kuchita oobu kutondeezya kuti mulasyomeka kuli Jehova. Alubo nga mulikutondeezya kuti mumufwida luzyalo mukombima nkaambo baalu balakonzya kumugwasya kutegwa abe aabweenzinyina bulikabotu aJehova. Baalu balamululamika munzila yalubomba.—**Bala Levitiko 5:1; Bagalatiya 6:1.**

it-1 1130 ¶2

Kusalala

Banyama Azilyo. Zintu zyoonse zyakali kusalala kuli Jehova zyakeelede kulemekwa. Muchikozzano, kwakali mulawu wakali atala akupa chakkumi. Kuti mulsrayeli wabikka aambali zimwi zi-lyo kuti akape chakkumi mpawo umwi wamumpuli wabweza zilyo eeyzo akuzibelesya naakuti kuzijika katazi kuti zibambilidwe kuyoopegwa kuli Leza, munaazilyo wakali aamulandu wakuta-

lemeka zintu zisalala zyaLeza. MuMulawu kwa-kalembewe kuti, kuti eezi zyachitika munaazi-lyo wakeelede kubbada chakkumi eecho mpa wo ayungizye achipanzi chasanu alinchicho [20 pesenti] amugutu wambelele. Kuchita oobo, kwa-kali kutondeezya kuti balazilemeka zintu zisalala zyaJehova.—Le 5:14-16.

NOVEMBER 23-29

LUBONO LUZWA MUJWI LYALEZA | LEVITIKO 6-7

“Kutondeezya Kulumba”

w19.11 22 ¶9

Zyiiyo Nzitujana Mubbuku IyaLevitiko

⁹ *Chiyo chachibili: Tubelekela Jehova akaambo kakuti tulamulumba.* Kuti tumvewisisee eezi, atulange-lange chipayizyo chalumvwanano chakali kupegwa amalsrayeli. Chipayizyo eechi chakali kuyandikana mubukombi bwabo. Bbuku IyaLevitiko litupandulwida kuti malsrayeli akali kupa chipayizyo chalumvwanano “kutegwa atondeezye kulumba.” (Lev. 7:11-13, 16-18) Mulsrayeli wakali kupa chipayizyo eechi chakuliandila alubo wakali kuchipa kuti atondeezye luyando akulumba kuli Jehova Leza. Muntu wakali kupa chipayizyo eecho wakali kulya nyama abamumpuli yakwe kuswaanizya amupayizi. Pesi kuli zimwi zipanzi zyanyama zyakali kupegwa Jehova. Nziili zipanzi eezyo?

w00 8/15 15 ¶15

Zipayizyo Zyakali Kubotezya Leza

¹⁵ Chimwi chituuzyo chakali kupegwa chakuliyanila, nchipayizyo chalumvwanano chaambidwe mubbuku IyaLevitiko chaandaano 3. Majwi aaka-sandululwa kuti chipayizyo chalumvwanano alakonzya kusandululwa kuti “cipaizyo cazituuzyo zyaluumuno.” MuChihebrayo bbala lyakuti “luumuno” Iyaamba zyiingi kunze kwakubula nkondo naakuti kutamvwanana. Bbuku litegwa *Studies in the Mosaic Institutions* Iyaamba kuti: “MuBbayibbele, bbala eeli Iyaamba kubula nkondo naakuti kumvwanana alubo lilakonzya kwaamba kuba aa-

Iuumuno aLeza, kunota naakuti kubotelwa.” Nki-
nkaako, zipayizyo zyalumvwanano teebakali kuzi-
peda kuti bantu babe aaluumuno aLeza luzu-
tu naakuti kuyanda kumukombelezya pesi zyaka-
li kutondeezya kuti malsrayeli balalumba. Bapayi-
zi abasikupa zipayizyo bakali kulya chipayizyo ee-
cho nibakali kumana kutuula ganzi amafuta kuli
Jehova. (Levitiko 3:17; 7:16-21; 19:5-8) Munzila
yachikozyano, sikupa chipayizyo, bapayizi aJeho-
va Leza bakali kulya chipayizyo eecho kabalaam-
wi, eezi zyakali kutondeezya kuti bakali aaluu-
muno aLeza.

w00 8/15 19 ¶8

Zipayizyo Zyakali Kubotezya Leza

⁸ Kutegwani atala amuntu wakali kupa zituuzyo?
MuMulawu kwaambidwe kuti muntu woonse wa-
kali kusika kubusu bwaJehova wakeelede kusa-
lala katakwe kabala. Muntu wakasofweede, cha-
kusaanguna wakeelede kutuula chituuzyo chazibi
kuti akonzye kutambulika lubo kuli Jehova aku-
ti chipayizyo chakwe chuumpwa chitambulike
kuli Leza. (Levitiko 5:1-6, 15, 17) Tazitondeezyi
na eezi kuti tweede kukkan katali aabweenzu-
ma bulikabotu aJehova? Kuti katuyanda kuti bu-
kombi bwesu bumubotezye Leza, tweede kuba-
bantu bafwambaana kubambulula kuti twabisiza-
ya Leza. Tweede kufwambaana kuyanduula lu-
gwasyo ndutupegwa aaLeza kabelesya “baalu ba-
mbungano” naakuti Jesu Kristo ‘cipaizyo caku-
manyia zibi zyesu.’—Jakobo 5:14; 1 Johane 2:1, 2.

Kuyanduula Lubono muJwi IyaLeza

it-1 833 ¶1

Mulilo

Mbuwakali kubeleka kutente lyakukombela aku-tempele. MaJuda bakali kubonaanga mulilo wa-
kali aachipayililo wakali kulikutula munzila yachi-
gambyo, pesi maboneno aaya taayendelani pe aMagwalo. Kweendelana amalayilile Jehova ngaa-
kapede Mozesi, wakaambide kuti bana baAroni
bakeelede, “kubikka mulilo acipaililo akubamba
nkuni atala aamulilo” kabatanabikka chituuzyo
aachipayililo. (Le 1:7, 8) Nikwakazwa aakusalwa

bapayizi baluzubo IwaAroni alubo kabali babikka
zituuzyo nzibakali kuyanda kupayizya aachipayili-
lo, mpimpawo aakazwa mulilo wakazwa kuli Jeho-
va alubo kuyeeyelwa kuti mulilo ooyo wakanjilila
mujoba lyakavumbide tente lyakukombela mpawo
wakawumpa zituuzyo zyakali aachipayililo. Kween-
delana amakani aaya, mulilo ooyu wakaba mu-
nzila yachigambyo kutali kuti nkuni zyakali aachi-
ipayililo zyakayaka azilikke pesi wakali wakuti uu-
mpe “zituuzyo cuumpwa amafwuta izyakali aci-
paililo.” Pesi mulilo wakazoozmanana kuyaka aa-
chipayililo, wakali wavwelengana wakazwide kuli
Jehova awakakutulidwe kale abapayizi. (Le 8:14-
9:24) Munzila iikozyenie, mulilo wachigambyo wa-
kazwide kuli Jehova wakawumpa zituuzyo zyaka-
li aachipayililo chiindi Solomoni naakamana kupa
nkomboyo yakupeda tempele.—2Mk 7:1; alubo la-
nga Bab 621; 1Ba 18:21-39; 1Mk 21:26 kuti ubo-
ne zimwi zikozyano Jehova mpaakabelesya muli-
lo wachigambyo naakali kutambula zituuzyo zya-
bakombi bakwe.

si 27 ¶15

Levitiko ndiBbuku lyamuBbayibbele lyachi3

¹⁵ (3) Chituuzyo chazibi chakali kupegwa aabantu
bakatali kubisya aachaali. Banyama bakali ku-
payizigwa kuchituuzyo eechi bakali kusiyana-si-
yana kweendelana aakuti muntu uuyanda kule-
kelelwa chibi eecho mupayizi na, nchisi choo-
nse na, mwaalu na naakuti muntu luzutu. Kusiyana
azituuzyo zyakiliyandila zili mbuli chituuzyo
chuumpwa achituuzyo chalumvwanano, chituu-
zyo chazibi teechakali chakulisalila biya pe.—4:1-
35; 6:24-30.

NOVEMBER 30-DECEMBER 6

LUBONO LUZWA MUJWI LYALEZA | LEVITI- KO 8-9

“Bumboni Bwakulongezegwa aaJehova”

it-1 1207

Kusala

Mozesi wakasanzya Aroni abana baAroni Nada-
bbu, Abbihu, Eliyazara altamara (naakuti

kubalayilila kuti balisanzye) mulichakusambila chamukuba chakali mulubuwa lwatente lyakukombela mpawo wakazwaatika Aroni zyakusama zyabupayizi bupati. (My 3:2, 3) Zigogo zibotu nzyaakazwaatikwa Aroni, zyakali kutondeezya buntu mbwaakeelede kubaabo amulimu ngwakali kuyoochita. Kuzwa waawo, Mozesi wakananika tente lyakukombela azintu zyoonse zyakali mukati, zintu zyakubelesya zyoonse, chipayililo chaituuzyo zyuumpwa kuswaanizya achakusambila chakali kubelesegwa. Zintu zyoonse zyakasalazigwa zyakali kuyoobelesegwa muzintu zili aachakuchita abukombi luzutu. Kumamanino, Mozesi wakazootila Aroni mafuta aakunanika mumutwe. —Le 8:6-12; Ku 30:22-33; In 133:2.

it-1 1208 ¶8

Kusala

Mubuzuba bwachi8, baluzubo IwaAroni kabali basaanguna kubeleka kabali bapayizi (kabatagwasigwi aaMozesi), bakapa chituuzyo chakumania mulandu akaambo kakuti bakali aachibi alubo malsrayeli aachiindi eecho bakali bazwa aakubisizya Jehova kwiinda mukukomba ng'ombe yangolida. (Le 9:1-7; Ku 32:1-10) Nibakamana kupa chipayizyo bapayizi bapya baluzubo IwaAroni, Jehova wakatondeezya kuti wakabatambula kwiinda mukulosya mulilo kuzwa kujulu. Kulakonzeka kuti mulilo ooyo wakanjilila mujoba lyakavumbide tente lyakukombela mpawo wakawumpa nyama amafuta zyakali zyasyala aachipayililo.—Le 9:23, 24.

w19.11 22 ¶13

Zyiyo Nzitujana Mubbuku IyaLevitiko

¹³ *Chiyo chachine: Jehova ulikulungezya mbunga yakwe ilaanyika.* Atulange-lange zyakachitika mu1512 B.C.E., chiindi tente lyakukombela ni-lyakabikkwa aafwiifwi aChilundu chaSinayi. (Kul. 40:17) Mozesi wakachita pobwe lyakunanika Aroni abana bakwe kuti babe bapayizi. Malsrayeli aakabungana kuti azoobone bapayizi kabali kutenta zipayizyo zyabo kakusaanguna. (Lev.9:1-5) Jehova wakatondeezya biyeni kuti wakali kubatambula bapayizi aaba bapya? Chiindi Aroni aMozesi ni-

bakali kwaambuulaaabantu Jehova wakapa kuti kuseluke mulilo mpawo wakatenta zipayizyo zyakali aachipayililo.—**Bala Levitiko 9:23, 24.**

Kuyanduula Lubono muJwi IyaLeza

w14 11/15 9 ¶6

Nkamboonzi Nitweelede Kusalala?

6 Cheeelo chakuti bapayizi bachilsrayeli bakeelede kusalala kumibili chili aabupanduluzi bwachoonzyo kubantu baJehova mazubaano. Chiindi chiingi bantu mbitwiyaabo Bbayibbele balabona kuti tulasalala, tuzwaata kabotu akuti mase-na eesu aakukombela angawo alasalala. Kusalala kwabapayizi kutugwasya kubona kuti kufumbwa uuyanda kutanta kuchilundu chabukombi bwaJehova weelede kuti ‘kasalala mumoyo.’ (**Bala Intembauzyo 24:3, 4;** Is. 2:2, 3.) Milimu yesu iisala-la kuli Leza yeelede kuchitwa katuli aamizeezo, moyo amubili uusalala. Eezi zyaamba kuti tweelede kulilanga-langa alubo bamwi nga bazoobona kuti beeleder kuchincha kuti basalale. (2 Kor. 13:5) Muchikozyano, muntu uubbabbatizidwe weebela zintu zyeeta muzeezo wakoonana achaali weelede kulibuza kuti, ‘Nzindilikuchita zipa kuti ndisalale na?’ Mpawo weelede kukumbila lugwasyo kuti aleke chiyanza eechi chibi.—Jak. 5:14.

it-2 437 ¶3

Mozesi

Leza wakasala Mozesi kuti abe simwiimaakati wa-chizuminano chaMulawu nchaakapangene amalsrayeli. Taakwe muntu wakapedwe chuuno ee-chi kunze kwajesu Kristu, Simwiimaakati wa-chizuminano chipya. Mozesi wakasaansila ganzi lyabanyama bakali kupayizigwa aabbuku lyachizuminano chaMulawu, eezi zyakali kutondeezya kuti Jehova amalsrayeli (chaamba baalumi bapati bachilsrayeli) bakapangana chizuminano. Kuzwa waawo, Mozesi wakabala bbuku lyachizuminano chaMulawu mpawo bantu bakavwiila kabati, “Zyoonse nzyaamba Jehova tulazicita.” (Ku 24:3-8; Heb 9:19) Akaambo kakuti Mozesi wakali simwimakaati, wakali aachilongezyo chakulangania mulimu wakuyakwa kwatente lyakukombela, ku-

pangwa kwazibelesyo zyamutente lyakukombela. Leza nguwe wakamubuzya mbulyakeelede kuya-kwa. Alubo Mozesi wakapedwe mulimu wakusala bapayizi, kupeda tente lyakukombela akunani-ka Aroni kuti abe mupayizi mupati. Mozesi nguwe wakali kulanga-langa milimu yakali kuchitwa aabapayizi bapya.—Ku zyaand 25-29; Le zyaand 8; 9.

